

		Technology Integration
PANGALAN	MIRANDA, Jomar P.	
PAMAGAT	Banghay Aralin sa Edukasyon sa Pagpapakatao Baitang 4 Unang Markahan	
MGA KASANAYANG PAMPAGKATUTO	Nakapagninilay ng katotohanan mula sa mga: 3.4- nababasa sa internet at mga social networking sites	
MGA LAYUNIN	Pagkatapos ng aralin, ang mga mag-aaral ay inaasahang: PANGKABATIRAN: <ul style="list-style-type: none"> • Nakapagpapaliwanag kung paano nakakatulong ang internet sa araw-araw na pamumuhay. PANGDAMDAMIN: <ul style="list-style-type: none"> • Nakakikilala sa mga positibo at negatibong epekto ng paggamit sa internet SAYKOMOTOR: <ul style="list-style-type: none"> • Nakagagawa ng mga hakbang upang magamit ng maayos ang kanilang internet. 	
PAKSA	Impormasyon: Bahagi at Instrumento sa Aking Pagkatuto	
PAGPAPAHALAGA	Pagmamahal sa Katotohanan	
MGA SANGGUNIAN	Brizuela, M.J B. Arnedo, P.J S. Guevarra, G. A et.al. (2015). <i>Edukasyon sa Pagpapakatao, Modyul para sa Mag-aaral</i> . Pasig City: FEP Printing Corporation N.A. (May 2016). <i>K to 12 Gabay Pangkurikulum: EDUKASYON SA PAGPAPAKATAO</i> . pp. 148 Marte, N.C. (N.D). <i>Creative Pedagogies and Approaches in Teaching Values Education and Values Integration in Various Discipline</i> .	
MGA KAGAMITAN	<ul style="list-style-type: none"> • Laptop • Projector • Speaker • White board marker 	

	<ul style="list-style-type: none"> Eraser 	
GAWAIN	<p>Alamin Natin Internet: For Better or for Worse</p> <p>Halimbawa: PEWABGE Pahina sa <i>internet</i> na makatutulong sa impormasyon. OYU ETUB Ang magkakabit na mga <i>computer network</i> na maaaring gamitin ng mga tao sa buong mundo. BITESLOG Karaniwang pinananatili ng isang indibidwal na may regular na mga <i>entry</i> ng mga komentaryo, ang paglalarawan ng mga pangyayari, o iba pang materyales tulad ng mga <i>graphic</i> o <i>video</i>. AILM-E Modernong pagpapadala ng liham. TTERTWI Isang <i>social networking</i> at <i>microblogging</i> na serbisyo na nagbibigay-kakayahan sa gumagamit nito na magpadala at basahin ang mga mensahe na kilala bilang mga <i>tweets</i>. LEGOGO Isang uri ng <i>website</i> na maaaring gamitin sa pananaliksik.</p>	Flashcard Machine
PAGSUSURI	<p>Sagutin ang mga tanong:</p> <ol style="list-style-type: none"> Tungkol saan ang mga nabuo mong salita? Alin sa mga ito ang nakatulong sa iyo sa paghahanap ng kasagutan sa iyong mga naiisip na opinyon? Magbigay ng halimbawa. Kung wala ang <i>internet</i>, paano ka kaya makahahanap ng kasagutan sa mga tanong mula sa iba't ibang asignatura? Nakaapekto ba ang teknolohiya sa iyong pang-araw-araw na pamumuhay? Pangatwiranan. Pumili ng babasahin sa <i>internet</i>. Suriin ang balangkas, nilalalaman, at mensahe nito. 	Voki
PAGPAPALALIM	<p>Tandaan natin: Tunay na napakahalaga ng paggamit ng <i>internet</i> o teknolohiya sapagkat napapadali ang mga gagawing pananaliksik lalong-lalo na sa mga mag-aaral na naghahanap ng kalutasan sa mga naibigay na takdang-aralin: paggawa ng pagsasaliksik, ulat-pasalaysay at marami pang iba. Sa pamamagitan na lamang ng pag-<i>browse</i> sa <i>internet</i>,</p>	Storybird

	<p>napagagaan ang kanilang gawain at natututo rin ang mag-aaral na mapalawak ang kaalaman sa larangan ng anumang disiplina.</p> <p>Malaki ang epekto sa atin ng <i>internet</i>. Subalit hindi lahat ng ating nababasa sa <i>internet</i> ay totoo at tama. Kailangang maging mapanuri sa mga binabasa o pinupuntahang <i>sites</i>. Marami ring <i>sites</i> na nagbibigay ng kalaswaan at karahasan.</p> <p>Masasabi natin na malaking tulong ang teknolohiya sa pag-unlad ng iba't ibang aspekto ng kaalaman at edukasyon. Subalit kailangan nating tandaan na nararapat nating gamitin ito nang wasto. Huwag nating hayaan ang ating mga sarili na abusuhin ang teknolohiya. Maaaring makapagdulot ito ng mga masamang epekto sa atin kapag ito ay hindi ginamit sa tamang paraan</p>	
<p>PAGLALAPAT</p>	<p>Isabuhay Natin: Panalangin ng Isang Netizen</p> <p>Panginoon, lubos po kaming nagpapasalamat sa katalinuhang inilaan po ninyo sa amin. Sa naiimbento naming mga materyal na kagamitan gaya ng <i>computer</i> at <i>internet</i>, kami'y inyong gabayan. Buksan mo po ang aming mga mata para sa tamang makikita. Ilayo po ninyo kami sa tukso ng malalaswang panoorin. Gayundin ang aming mga tainga sa aming naririnig sa mga <i>blog sites</i>, laro sa <i>internet</i> na nakapipinsala sa amin.</p> <p>Linisin mo po ang aming isipan sa mga bagay na nakagugulo dala ng makabagong teknolohiya. Basbasan mo po ang aming puso para maiproseso namin ang mabuti at masamang epekto ng <i>internet</i> at <i>social networking sites</i>.</p> <p>Panginoon, gawin mo kaming mabuting <i>netizen</i> na may pagmamahal sa katotohanan at may pagtataguyod sa tamang paggamit ng bagong likhang kagamitan.</p> <p>Amen.</p>	<p>Adobe Sparks</p>
<p>PAGSUSULIT</p>	<p>Pagsusulit na may Pagpipilian:</p> <p>Subukin Natin Lagyan ng salitang <u>Nakabubuti</u> ang mga gawain na nagpapakita ng nakabubuti sa paggamit ng <i>internet</i>. <u>Hindi Nakabubuti</u> naman kung ito ay nakasasama. Isulat ang sagot sa iyong kuwaderno.</p> <p>_____1. Nakapagsasaliksik sa agham at teknolohiya</p>	<p>Testmoz</p>

	<p>para sa takdang-aralin.</p> <p>_____2. Nakapaglalaro sa <i>internet</i> ng barilan at patayan ng mga <i>zombies</i>.</p> <p>_____3. Nakapapasok sa mga <i>sites</i> na may malalaswang panoorin.</p> <p>_____4. Nakagagawa ng <i>blog site</i> tungkol sa ganda ng Sorsogon at iba pang magagandang lugar sa Pilipinas na napuntahan.</p> <p>_____5. Nakakapag-<i>upload</i> ng mga batang nagsusuntukan sa YouTube.</p> <p>_____6. Nakapagbabasa ng mga <i>e-mail</i> na may katuturan sa buhay ng simpleng mag-aaral na Pilipino.</p> <p>_____7. Nakakapag-<i>chat</i> ng malalaswang salita sa Skype.</p> <p>_____8. Nakakapag-<i>Facebook</i> nang magdamag.</p> <p>_____9. Nakapaglalagay ng mensahe sa Instagram tungkol sa mga hinaing sa pamumuno ng isang opisyal.</p> <p>_____10. Nabibigyan ng impormasyon ang mga kaibigan tungkol sa paggawa ng <i>loombands</i> galing sa <i>internet</i>.</p>	
	<p>Pagsusulit na ginagamitan ng Pagpapaliwanag:</p> <p>Ano sa tingin mo ang mga maaring negatibong epekto ng hindi maayos na paggamit ng internet? (5 puntos)</p> <p>Anong mga bagay ang maari mong gawin upang magamit ang inyong internet nang maayos? (5 puntos)</p>	<p>Vengage</p>
<p>TAKDANG ARALIN</p>	<p>Sa tulong ng mga nakatatanda sa iyo, lumikha ng isang comics strip na naglalaman ng limang (5) ethical responsibility sa paggamit ng internet. .</p>	<p>Pixton</p>